

傷寒瘟疫條辯

自黃帝氏作而生民之命遂懸於醫人之  
手其或專心致志鉤深探微以古所稱扁  
鵲之徒可以使病者立愈老者立安豈不  
快然乎誠乃世之為醫者吾懼焉朝學者  
青囊即自誇其能其於藥性猶未深辨脉  
理猶未深悉寒定寒熱補瀉因虛之宜猶  
未深解剽竊膚末持其一偏之見物焉而

不化卒使疾輕增重疾重起危可然也夫  
余以辛丑秋筮仕江左適大都孫公亦官  
於土因得其文其爲人也濟人之急扶  
人之難好善樂義光明磊落有古君子風  
甲辰夏其第三子遶遶溫疫醫者凡數十  
輩竟無能名其爲少疾者最後得栗山楊  
先生寒溫條辨編始知其誤而病已不可

為美嗣後公家復有患是疾者公乃取是  
編而詳味之因遵其方以治家之人無不  
應手而愈後時金陵染是疾者甚衆公惻  
然憫之曰是不可以獨愈吾家人於是懸  
帖通衢使病者咸來取藥公於公退之餘  
親問其症按症而予之劑雖費不吝雖勞  
不辭不取貲不受謝雖接於門牆終載路

金陵內外凡賴公而活者殆未易更僕數  
焉吾嘗謂人心之善可以挽天時之厲氣  
而使之平然不得是編則此疾無由治或  
得是編而不廣施而博濟之則窮獨而罹  
此疾者終無由活若公之仁心若實盡捐  
其歲俸以拯人於危殆之際恩施而不自  
有其真可謂近世所罕觀者過公之心猶歎

然也公之言曰吾一子亡而千百人之命  
以全者何憾焉所可惜者書未刊存而人  
若於膝寫之難不可以行遠遂發願剞劂  
是書捐貲而付梓人於是書之傳益廣其  
活人也益多而公之德亦益以無窮矣嗚  
呼醫豈可輕言哉苟非體天地好生之心  
數十年沉潛於茲鮮有臻其奧者如編中

所論傷寒濕病之殊與其治法之必不可  
混皆鑒之不易發前人所未發人命至重  
也一藥之投失之毫釐繆以千里呼歎之  
間生死遂判片時偶誤難悔何追世之人  
得是編而遵之又取而融會貫通之以無  
負我孫公之教則咸登壽域可也為醫者  
其慎寶之哉

乾隆四十九年歲次甲辰桂月平陰朱  
敬跋



傷寒瘟疫條辨序

寶田堂醫書成已數年矣今予奉

命兩河學使栗山先生來請序於予自顧謏陋愧未能也憶范文正嘗曰不得為良相願為良醫其意與先生有默契焉予為竊取言之粵稽盛世擇揆定輔燮理陰陽保合太和推吾老老幼幼之恩勲猷爛如史冊朗然唯醫亦然夫醫託於儒自西漢始窮研經術深知性天必因五運歲時以別六淫雜氣合外內辨虛實培元氣于未

衰起沉疴於將斃如傷寒論創於張仲景當時  
兆民賴以生全萬世長存可也惜經兵燹散亡  
溫病失傳下逮劉氏直格王氏溯洄其方始差  
強人意奈自王叔和妄纂序例絞亂經文以冬  
寒藏變春溫殊覺悖謬又插入異氣四變更爲  
荒唐乃一人倡之百人和之先傳後經註爲箴  
銘久假而不歸幸而喻氏非之以爲一育引不  
盲相將入火炕非只過也可見溫病自晉已失  
所宗而世人自晉已有被其冤者何況今日哉

先生初豈業醫耶天性純一學有淵源幼讀宋  
儒名臣言行錄便立志以韓魏司馬自期待其  
生平所為光明正大如日中天而不可掩所以  
弱冠入庠來國士之聲稱雍正戊申冬學政山  
東于公廣科補縣學  
弟子生員批其卷云三試經義論策沉潜理窟  
如話家常有闕世教有裨治道有切于民生日  
用粹然儒者之言此國士  
之風也他日必非常人卒之鄉闈十困信窮  
通於天命此其涵養氣識為何如者每曰雕蟲  
小技帖括浮名唯醫一道庶獲實用于是熟復  
靈素更詳熟論發揮仲景之精微補正叔和之



遺闕泰以妙悟得之神解著為寒溫條辨蓋緣

分縷析系出王劉而探本窮源祖述經論

仲景傷寒

論亦其曰傷寒外感常氣自氣分傳入血分溫

病內傷雜氣由血分發出氣分又曰傷寒但有

表證勿論久暫即當發汗溫病雖有表證寔無

表邪斷無正發汗之理又曰傷寒風寒在表下

不嫌遲溫病熱鬱在裏下不嫌早由斯以談各

有病原各有脉證各有治法各有方論允真守

定全活甚衆真良醫良相之有同功而壽世壽

國之無二轍矣予振鐸而警世曰勗哉後學  
之壽國者主持國事留心民瘼奠金甌以鞏  
奉玉燭以長調相之任也壽世者春臺育物  
沍水生塵民無天札之年國多台耆之老醫  
之責也得志澤加於民不則以仁術濟于世  
仰荅

聖天子子惠元元日昃不遑之至意詎不盛哉則夫

觀此醫書其為郅隆之世之一助也又何疑焉

先生姓楊氏名璿字玉衡栗山其號也上溯其

父

諱安祖諱廷

曾

諱楫

高

諱清

太

諱思謙

文學

文學

文學

文學

文學

始祖

諱仲友原籍亳州明永樂初年遷夏讀書力田廣業四百頃還家焉

十三世

文庠奕葉相繼詩禮名族忠孝傳家世居中州之夏邑康熙丙戌相行年七十諸凡小心畏天樂善慎行其身可為能終矣

賜進士及第禮部右侍郎辛卯會試總裁甲午河南學政武進年家眷弟莊存與拜叙于大梁學署乾隆四十年歲在乙未孟春之初

吾聞人之為學也專則精即執一業以成名於天下者何獨不然如醫尤不可易為也惟古之人亦有專精者扁鵲之過邯鄲也為帶下醫生生周也為子目痺醫入咸陽為小兒醫然今之非韻而欲為韻者何多也此必無一事之能精已中州楊栗山先生年塲屋有聲而卒親於一第於是弄舉子業專治岐黃之術以盡人於病中病

溫兩者之辨不明故妄方多誤以至於殺  
人而反譏於病之不可療也先生君深痛  
吾不惟救耳目所接之人而且欲救天下  
之人此寧溫條辨之書之所爲心也靜川  
孫公得其書於令副楊川明府也其意以  
治術內之人每不效者更廣其術以施之  
部內六十不出一言於是爲梓其書以播  
之海內栗山仁人也靜川亦仁人也其生



死月當之功偉矣哉昔齊民病已愈而諸  
大夫猶多北方者或以爲終晏子曰人  
同是病者則必求方於已愈者又何終  
令人之求靜川者必多矣爲重已行之而  
效也吾友江寧戴叔咸之祖廩邵先生亦  
著方廣瘟疫論與此書剖析六經相以證  
良書也皆當家置一編已

進士及第

序

子

諸授朝議大夫翰林院侍讀學士杭東里人虞

文  
昭序

大都靜川孫公官於江南與余爲舊交  
人敦以和直以爽慷慨好施與余與之  
七載意氣懃懃久而彌摯蓋誠望  
君子也甲辰夏余自淮至白下公之第三  
子適以是日殤相對垂泣寃不辨致殞之爲  
何疾也余時奉檄赴崑邑匆別去今年  
春旋返金陵復與公追話曩昔公始而慨

然總乃慨然曰吾今始知亡免致殞之由乃  
以溫症作寒症向未有深於此者為之條  
分而縷辨也因盛稱栗山楊先生寒溫條  
辨一書為數千古未發之秘一縷述以方藥  
治疾奇効狀并出手錄一編授余曰因免亡  
而得是書因是書而吾家之患疾者咸獲  
無恙因一家之獲効而得以推及路人噫使

是書傳免雖止無憾矣今將鋟以傳世乞子  
一言序之余不知醫者也即公亦素非以  
醫自見者也茲以捐廉俸選梓人汲之若  
不可一日緩者夫固有所信之也嗚呼公之  
書楊氏之書也楊氏不暇以其書治人而公  
治之楊氏不暇以其書傳人而公傳之則凡因  
是書而得免疫癘夭札之虞者楊氏濟世

之心亦公濟世之心也世之讀是書者一如公之  
信楊氏濟人寧有量耶至其分時寒溫如快  
刀破竹永斷葛藤如明鏡取形不隱毫髮即  
余不知醫者讀之豁然有以自明况深探六微  
者乎願與天下之人共寶之乾隆乙巳夏五山  
陰姜憲邵颺拜手跋

技術之妙乃進于衛自司馬子長傳扁鵲  
倉公厥後爲史者類取神奇詭秘亡說以  
附于正史予頗疑其非經然觀周禮周公  
所以治天下者無一事之不備至于醫師  
特令上士爲出下逮于鳥獸亦有醫曰是  
知百家技藝皆聖心之所創制民生出不  
可一日無者其爲經綸參贊出功至矣今

世醫亦胥官而卯方出爲醫者不少求如  
史使之可紀者未出或聞中州楊玉衡先  
生以經出寸旁治軒岐之術始所謂技  
之而進乎道者所著寒溫條辨一書破叔  
和之窠臼追仲景出精微余于先生所治  
病狀未詳不能依扁鵲倉公傳例而獨聞  
吾友靜川孫君言甲辰夏槐間孫君署中



頗感溫疫賴先生此書全活甚衆今將捐  
俸開雕以廣其傳噫先生此書救世寶書  
也而孫君汲二流布之竟能推其救一家  
此心者呂救世人是亦仁人君子之用心  
也夫錢塘袁枚序

余宦游江左於寅友得 靜川孫公  
吾人方正而質直輕貲財尚素氣惓  
危拯急有豪俠風因與訂交者五  
年於茲矣比者余以讀禮故塞寓  
白門夏秋間藉傳聞一則曰孫公  
之治溫疫也奇而效再則曰孫公

之施醫業也公以溥且有喟然歎者  
曰孫公之門日雜還如市其虛俸  
且無幾行將不堪為繼仁道之難如  
是夫余竊心焉謂之以為向者固未  
稔孫公之精於岐黃也至神應立  
效果何道而致此冬月初孫公偶

過訪款洽間詢其故孫公瞿然曰此  
楊太翁栗山先生寒溫條辨之力也  
我何有哉乃述其得是書之由與驗  
是書之效將款付之梓人以公諸天  
下固出是書而添為叙余非諳于醫  
者然反覆觀玩見其于寒溫二字分

條析理截偽歸真如山東父老說  
農桑事、孝、悌、皆著實輒不禁  
心摹手追歆嘗一試而况專業家  
宜何如位好也哉余因想 孫公年  
甫踰強仕子七人成文章者已三人聞  
其文詞其貌皆卓然偉器他日固

未可量 孫公好行其德理固始終  
乎至於寒濕條辨他老之卓識苦  
心折衷前人嘉惠後學則他叙傳  
及之不復贅而言也

乾隆四十九年歲在甲辰仲冬月  
廿二日晉陽武先振梓撰

自序

漢長沙太守張仲景傷寒論為醫家鼻祖  
其論治傷寒曰未有溫疫而當不消散者  
至于治溫病則曰可刺五十九穴可知溫  
病傷寒劃然兩途矣況世之凶惡大病或  
生人在反掌間者盡屬溫病而發于冬月  
之正傷寒百不一二仲景著書獨詳于彼

而畧于此何與蓋自西漢至晉中歷兩朝  
數經兵燹人物幾空相傳卒病論六卷不  
可復覩矣傷寒論十卷溫病副之想已遺  
亡過半王叔和搜羅遺稿編為序例或得  
之傳寫或得之口授或得之鈔簡牘編使  
三百九十七法一百一十三方流播人間  
傳之矣禊不為无功惜其雜以已素以假



病為伏寒暴寒。岳立四變。攬入傷寒論中。以致無人。不以溫病為傷寒。無人。不以傷寒方治溫病。混淆不清。貽害無窮。將僅論六不足。傳位于世。此其罪有不容逭矣。自晉以來。千有餘年。以傷寒名家。發明其論者。不可以數記。其尤者。如龐安常。許叔微。韓祇和。王洙。藏趙嗣真。張璧。王實。吳綬。汪

援與林氏校正成氏論證朱氏活人書陶  
氏六書景岳金書王氏準繩其于冬月正  
傷寒各條標榜準今自成一家無可擬議  
道及溫病無一人不崇仲景和先傳後種  
一字不似辨別付會支離相沿到今尚  
論篇曰晉以後之談溫病者皆偽學也  
惟劉河間直揭王安道溯洄以溫病與傷

寒為時不一溫清不同治方差強人素然  
于溫病所以然之故卒未能闡發到底使  
人見真守定豎于眩證終屬惘恍何以拯  
危殆而濟安全一日讀溫疫論至傷寒得  
天地之常氣溫病得天地之雜氣而心目  
為之一開又讀續論至傷寒自氣分而傳  
入血分溫病由血分而發出氣分不禁按

卷流連豁然大悟因釋經論平脉篇有曰  
清邪中于上焦濁邪中于下焦又曰清邪  
中上曰潔濁邪中下曰渾清邪濁邪便是  
雜氣中上中下便是血分熱淫于內收經  
用刺穴之法此非傷寒常氣外感氣分所  
有事乃論雜氣伏鬱血分為溫病所從出  
之源變證之總所為赤文綠字闡天關地

之寶符豈非和序例之造言與百家剽說  
雷同之可可比哉嗚乎千古疑案兩言決  
矣于是集羣亡之粹擇千失之得零星采  
輯參以管見著寒溫條辨九十二則務辨  
出溫病與傷寒另為一門其根源脈證治  
法方論燦然易明于世不復攬入傷寒論  
中以誤後學是則余之志也知我罪我何

暇計乎編次已定擬其大要弁于簡端夫  
猶祖述仲景傷寒溫疫溫病刺灸之本云  
云爾

省

乾隆四十九年歲次甲辰正月既望栗山  
老人楊璿書于陳水縣署之槐陰軒  
時年七十有九

刻傷寒瘟疫條辨序

智薄宦金陵五年矣今年夏第三兒忽感  
溫病延醫治之百方不效半月而殞既極  
兒命之不永而益傷治溫病之舊無善言  
也蓋自張仲景傷寒論冠絕古今然未嘗  
言治溫病非不言也其書經兵火之餘散  
佚過半厥後劉氏直格王氏溯洄雖亦辨  
傷寒溫病之不同然未能直抉其所以異

之故是以後之醫者仍以治傷寒之方治  
溫病而愈治愈危矣自亡兒逝後合署染  
此病者幾至十人驚弓之後益惶迫不知  
所從適明府楊公自漂水來出其尊甫  
栗山先生所著寒溫條辨見示其言傷寒  
溫病之別也曰傷寒得天地之常氣風寒  
外感自氣分而傳入血分溫病得天地之  
穢氣邪毒內入由血分而發出氣分又曰



傷寒治法急以發表為第一義溫病治法  
急以逐穢為第一義又曰傷寒不見裏證  
一發汗而外邪即解溫病雖有表證一發  
汗而內邪愈熾其言明白洞悉如易牙之  
辨淄澠如離朱之分五色如冰炭之不同  
氣南北轆之不相及也而要歸仍本於仲  
景傷寒用溫覆消散溫病用刺穴瀉熱之  
兩言蓋直以其一心之精微與古人相揖

讓於千載之上每向無字句處千搜萬索  
鉤其元微而顯出之嗚呼至矣智反覆細  
讀曠若發矇急以其方治家人之病無不  
應手而愈嗚呼使智早見此書兒之以或  
猶可逌然曰此書以救吾家之多人則凡  
病此而獲免者皆先生之賜也先生  
之德其可忘耶又據其方合藥施諸外人  
凡以溫病來告者予之藥無不霍然起目

踵門求藥者至數十百人因念先生是  
書曠代寶書也智於先生之德無以為  
報爰捐貲付鏤木之工以廣其傳俾後之  
治溫病者悉據是書以治之活人之數當  
過於于公矣則先生之德豈不更大也  
耶金陵醫士周杓元頃見是書即先錄副  
本以去見今治溫病赫然有教使見此書  
者皆如周君之信而是式也民生其有賴

也夫

乾隆五十年十一月朔日北平孫宏智叙

傷寒瘟疫條辯目錄

卷一

治病須知大運辯

脉義辯

傷寒脉證辯

溫病脉證辯

溫病與傷寒根源辯

溫病與傷寒治法辯

行邪伏邪辯

證候辯

寒熱爲治病大綱領辯

發表爲第一關節辯

溫病非時行之氣辯

溫病是雜氣非六氣辯

雜氣所傷不同辯

雜氣有盛衰辯

溫病瘟疫之訛辯

四損不可正治辯

六經證治辯

壞病辯

兩感辯

傷寒合病併病辯

溫病大頭六證辯

凡二十一條

## 卷二

陽證辯

陰證辯

陽證似陰辯

陰證似陽辯

陽毒陰毒辯

表證辯

表裏兼證辯

裏證辯

發熱辯

惡寒辯

惡風辯

頭痛辯

身痛辯

不眠辯

多眠辯

自汗辯

盜汗辯

頭汗辯

手足心腋下汗辯

結胸痞氣辯

腹滿辯

小腹滿辯

腹痛辯

煩熱辯

潮熱辯

往來寒熱辯

譫語辯

鄭聲辯

發狂辯

發斑疹辯

發黃辯

畜血辯

衄血辯

吐血辯

卷三

頭目眩辯

咳嗽辯

口燥咽乾辯

咽腐辯

渴辯

嗽水不欲嚥辯



嘔吐辯

喘辯

短氣辯

呃逆辯

虬厥辯

厥逆辯

大便自利辯

大便膿血辯

小便不利不通辯

小便自利辯

小便數辯

心悸辯

瘕辯

肉瞤筋惕辯

舌捲囊縮辯

循衣抹床辯

煩燥辯

懊憹辯

佛鬱辯

鬱冒辯

動氣辯

藏結辯

狐惑病辯

百合病辯

主客交病辯

婦女傷寒溫病辯

熱入血室辯

妊娠病辯

產後病辯

小兒溫病辯

傷寒溫病復病辯

凡三十七條

卷四

醫方辯

正註七十一方 附註十四方

卷五

醫方辯

正註一百零十方

附註二十方

卷六

本草辯

傷寒瘟疫條辯卷一

夏邑後學栗山楊璿玉衡撰 子鼎編次

古宋畏齋先生郭善鄰春山叅較

大興靜川孫宏智較梓

治病須知大運辯

訂正

天以陰陽而運六氣。須知有大運。有小運。小則逐歲而更。大則六十年而易。太小有不合。大運於陽歲位。居陰。是陽中之陰。猶夏日之亥子時也。大運於陰歲位。居陽。是陰中之陽。猶冬日之巳午刻也。民病之應。

平運氣在大不在小不可拘小運遺其本而專事其末也。譬之子平以運爲主流年利鈍安能移其大局乎。病而與大小俱合無論矣。有於大運則合歲氣相違者自從其大而畧變其間也。此常理也。有於小則合於大相違更有於大運歲氣俱違者偶爾之變亦當因其變而變應之。如冬溫夏涼怪病百出俱不可以常理論也。總以大運爲主不以歲氣紛更強合乎證又不設成見於中惟證爲的與司天不合而自合底乎其近道矣。若概謂必先歲氣毋伐天和似非世

則之言。嘗稽東垣李氏一以補中爲主。丹溪朱氏一以滋陰爲重。戴人張氏一以蕩滌爲先。皆能表表於世。總得挈領提綱。故合一本萬殊之妙。不則當年豈無歲氣。而必各取其一耶。再以痘疹言之。有抱要於保元。有獨取於辛溫。有得意於清瀉。是亦治痘之名手。何不見有逐年之分別耶。要知大運之使然。非三氏之偏僻也。如曰偏僻。則當年各操其一以應世。何以得各擅其勝乎。後學不明其訣。各效其一而不通變。亦有畏其偏僻。而第據證按時。侈談歲氣以示高。

卓皆不知循環之大運者也。余留心此道年近四旬。鄉間已經七困。肇於乾隆九年甲子。猶及謝事寒水大運。證多陰寒。治多溫補。縱有毒火之證。亦屬強弩之末。自茲已後。而陽火之證漸漸多矣。向溫補宜重者。變而從輕。清瀉宜輕者。變而從重。迨及甲戌乙亥。所宜重瀉者。雖極清極解。而亦弗驗矣。勢必蕩滌而元氣之勢始殺。至甲申乙酉。蕩滌之法。向施於初病者。多有首尾而難免者矣。歷年已來。居然成一定局。間有溫補者。作一千百而已。是大運轉於相火矣。凡

時行之氣如正傷寒與冬溫風溫暑溫溼溫秋溫殭  
濕疹癰燥咳吐衄霍亂並男婦小兒一切諸證及痘  
疹民病火病十八九何況溫病從無陰證得天地疵  
癘旱潦之氣其流毒更甚於六淫又豈寒水司大運  
者之所可同年語哉自古運氣靡常純駁無定病故  
變態靡常補瀉無定今之非昔可知後之非今先聖  
後聖其揆一也易地則皆然矣任胸臆者斷斷不能  
彷彿余於當事時懷冰兢惟恐偏僻致誤庶幾屢經  
屢驗差可自信亦有莫挽者明知其逆不必治不過



熱腸所迫耳。

脉義辨引

傷寒溫病不識脉。如無日冥行。動輒顛隕。夫脉者氣血之神也。邪正之鑑也。呼吸微茫間。死生關頭。若能驗證分明。指下了然。豈有差錯耶。傷寒脉法。與雜證自是不同。而溫病脉法。與傷寒更是大異。今將長沙內經脉法。揭於前。繼以陶氏浮中沉三診脉法。又繼以溫病與傷寒不同診脉法。誠能洞晰於此。其於治也。庶幾乎。

長沙傷寒脉義

問曰脉有陰陽何謂也。答曰凡脉浮大動滑數此名

陽也。沉濇弱弦微此名陰也。陰證見陽脉者生。按證

者陰極也。脉之陽者陽生也。陰證陽脉者陰證也。陽

生則陰長。故曰生。如厥陰下利手足厥逆脉數微熱

汗出令自愈是也。若陽證見陰脉者死。○河間註云

脉不數而緊則死矣。脉近於絕故也。○類經註云證之陽者假實也。脉之

陰者真虛也。陽證陰脉卽陰證也。按註既曰假實知

知爲真陰此假陽證真陰脉直是陰證似陽也。故註

曰卽陰證也。若火閉而伏以致脉沉細脫此真陽證

假陰脉乃是隱證似陰也。非

寸口脉微。名曰陽不足。陰氣上入於陽中。則灑淅惡寒也。尺脉弱。名曰陰不足。陽氣下陷入陰中。則發熱也。○陽脉浮。陰脉弱者。則血虛。血虛則筋急也。其脉弱者。榮氣之微也。其脉濡而汗出如流珠者。衛氣之衰也。按陽脉浮其脉浮之二浮字應是二濡字若是浮字則與衛衰汗出如流珠之義不屬其脉沉之沉字應是弱字若是沉字則與血虛榮微之義不屬悉宜改之

寸口脉浮為在表。沉為在裏。數為在府。遲為在藏。若脉浮大者。氣實血虛也。

寸口脉浮而緊。浮則為風。緊則為寒。風則傷衛。寒則

傷榮衛榮俱傷骨節煩痛當發其汗也

夏月盛熱欲著複衣冬月盛寒欲裸其身所以然者陽微則惡寒陰虛則發熱也

寸口脉浮大而醫反下之此爲大逆浮則無血大則爲寒寒氣相搏則爲腸鳴醫乃不知而反飲冷水令汗大出水得寒氣冷必相搏其人必餒

按令汗大出四字與上下

文義不相連貫當是行文宜刪之

諸脉浮數當發熱而反灑淅惡寒若有痛處飲食如常者當發其癰○脉數不時則生惡瘡也

傷寒表證欲發其汗脉浮有力者乃可汗之若浮而無力或尺脉弱濇遲細者此真氣內虛不可汗也汗之則死○傷寒裏證已具而欲下之切其脉沉有力或沉滑有力乃可下之若沉細無力或浮而虛者此真氣內虛不可下也下之則死○仲景治少陰病始得之反發熱脉沉者麻黃附子細辛湯主之此太陽少陰之兩感也有太陽之表熱故用麻黃有少陰之脉沉故用附子細辛發表溫裏並行此證治之奇脉法之奧故內經曰微妙在脉不可不察也

## 內經脉義

內經曰。脉至而從按之不鼓。諸陽皆然。王太僕註曰。言病熱而脉數。按之不鼓動於指下者。此陰盛格陽而致之。非熱也。○又曰。脉至而從按之鼓甚而盛也。王太僕註曰。言病證似寒。按之而脉氣鼓動指下而盛者。此陽甚格陰而致之。非寒也。○東垣治一傷寒。目赤面赤。煩渴引飲。脉息七八至。按之不鼓。此陰盛格陽於外。非熱也。用乾薑附子湯。加人參。數服得汗而愈。亦治法之奇妙也。大抵診脉之要。全在沉脉中。

分虛實。如輕手按之脉來得大。重按則無者。乃無根。芤之脉。爲散脉。此虛極而元氣將脫也。切不可發表攻裏。如誤治之。則死。須人參大劑煎飲之。以上所言。乃脉證治例之妙。水火徵兆之微。陰陽倚伏之理。要當窮究其指趣。不可輕易而切之也。

### 陶氏傷寒三診脉義

浮診法。○以手輕按於皮膚之上。切其浮脉之來。以察表裏之虛實。尺寸俱浮者。太陽也。浮而緊者。爲寒在表。浮而數者。爲熱在表。以脉中有力爲有神。可汗。

之浮而緩者爲風在表可解之不可汗。浮而無力爲虛爲無神不可汗。凡尺脉浮寸脉浮俱有力可汗。尺脉遲弱者此真氣不足不可汗也。浮大有力爲熱爲熱可汗之。浮大無力爲虛爲散不可汗也。浮而長太陽合陽明浮而弦太陽合少陽凡脉浮主表不可攻裏也。

中診法○以手不輕不重按至肌肉之分而切之以察陽明少陽二經之脉也。尺寸俱長者陽明也。浮長有力則兼太陽表未解也。無汗者宜發汗。長而大有



力爲熱。當解肌。長而數有力爲熱甚。當平熱也。長洪長滑有力。此胃中實熱。可攻之也。尺寸俱弦者。少陽也。宜和之。浮弦有力。兼太陽。表未解也。可發汗。弦洪弦長。弦數。弦滑有力爲熱甚。宜清解之。弦遲。弦小。弦微。皆內虛有寒。宜溫之也。凡弦脈只可和。不可汗下。不可利小便也。

沉診法○重手按至筋骨之分而切之。以察裏證之虛實也。尺寸俱沉細者。太陰也。俱沉者。少陰也。俱沉弦者。厥陰也。沉疾沉滑沉實爲有力有神。爲陽盛陰

微急宜滋陰以退陽也。沉遲沉細沉微爲無力。無神爲陰盛陽微。急宜生脈以回陽也。大抵沉診之脈。最爲緊關之要。以決陰陽寒熱。用藥死生在毫髮之間。脈中有力爲有神。爲可治。脈中無力爲無神。爲難治。用藥宜守而不宜攻。宜補而不宜瀉也。

溫病與傷寒不同診脈義

諸書未載

凡溫病脈不浮不沉。中按洪長滑數。右手反盛於左手。總由拂熱鬱滯。脈結於中故也。若左手脈盛或浮而緊。自是感冒風寒之病。非溫病也。

凡溫病脈拂熱在中。多見於肌肉之分而不甚浮。若熱鬱少陰。則脈沉伏欲絕。非陰脈也。陽邪閉脈也。凡傷寒自外之內。從氣分入。始病發熱惡寒。一二日不作煩渴。脈多浮緊。不傳三陰。脈不見沉。溫病由內達外。從血分出。始病不惡寒而發熱。一熱卽口燥咽乾而渴。脈多洪滑。甚則沉伏。此發表清裏之所以異也。

凡浮診中診。浮大有力。浮長有力。傷寒得此脈。自當發汗。此麻黃桂枝證也。溫病始發。雖有此脈。切不可

深脉中即見得  
與此發前人所  
未到之旨也

可發也。乃白虎湯心證也。死生關頭全於此分。

凡溫病內外有熱。其脉沉伏不洪不數。但指下沉。而小急。斷不可誤爲虛寒。若以辛溫之藥治之。益其熱也。所以傷寒多從脉溫病多從證。蓋傷風寒外入。循經傳也。溫病拂熱內熾。溢於經也。

凡傷寒始本太陽。發熱頭痛而脉反沉者。雖曰太陽。實見少陰之脉。故用四逆湯溫之。若溫病始發。未嘗不發熱頭痛而見脉沉濇而小急。此伏熱之毒滯於少陰。不能發出陽分。所以身大熱而四肢不

此段議論乃千古持證溫者從此不冤矣俗醫何由見

熱者此名厥正。雜氣拂鬱火邪閉脉而伏也。急以鹹寒大苦之味。大清大瀉之。斷不可誤爲傷寒。太陽始病。反見少陰脉沉而用四逆湯。溫之。溫之則壞事矣。又不可誤爲傷寒。陽厥。慎不可下。而用四逆散。和之。和之則病甚矣。蓋熱鬱亢閉。陽氣不能交接於四肢。故脉沉而濇。甚至六脉俱絕。此脉厥也。手足逆冷。甚至通身冰涼。此體厥也。卽仲景所謂陽厥。厥淺熱亦淺。厥深熱亦深是也。下之斷不可遲。非見真守定通權達變者。不足以語此。

凡溫病脈中診洪長滑數者輕重則脈沉甚則閉絕  
此辨溫病與傷寒脈浮脈沉異治之要訣也

凡溫病脈洪長滑數兼緩者易治兼弦者難治

凡溫病脈沉濇小急四肢厥逆通身如冰者危

凡溫病脈兩手閉絕或一手閉絕者危

凡溫病脈沉濇而微狀若渥漏者死

凡溫病脈浮大而散狀若釜沸者死

按傷寒溫病必須診脈施治有脈與證相應者則易  
於識別若脈與證不相應却宜審察緩急或該從脈

或該從證務要脉證兩得。卽如表證脉不浮者可汗而解。裏證脉不沉者可下而解。以邪氣微不能牽引抑鬱正氣故脉不應。下利脉實有病愈者但得證而復有實脉。乃天年脉也。又脉法之辯以洪滑者爲陽爲實。以微弱者爲陰爲虛。不待問也。然仲景曰。若脈浮大者氣實血虛也。內經曰。脉大四倍以上爲關格。皆爲真虛。陶氏曰。不論浮沉大小。但指下無力重者全無便是陰脉。此洪滑之未必盡爲陽也。實也。景曰。其脉如有如無。附骨乃見沉微細腕乃陰陽溼也。

此治  
鍵也  
宜留

閉塞之候。陶氏曰。凡內外有熱。其脈沉伏不洪。不  
指下沉澹而小急。是爲伏熱。此微弱之末。必盡爲  
也。虛也。夫脈原不可一途而取。須以神氣形色聲  
證候彼此相參。以決死生安危。方爲盡善。所以古  
望聞問切四者。缺一不可。

### 傷寒脈證辯

太陽經病。頭頂痛。腰脊強。身痛。發熱惡寒。惡風。脈  
緊。以太陽經脈由脊背連風府。至顛鼎。故爲此證。此  
三陽之表也。仲景曰。大汗後。身熱愈甚。者。陰陽交而魂魄離也。



陽明經病身熱目痛鼻乾不眠脈洪而長以陽明主  
肌肉其脈挾鼻絡於目故爲此證此三陽之裏也○  
正陽明府病由表傳裏由經入府也邪氣既深故爲  
潮熱自汗譫語發渴不惡寒反惡熱揭去衣被揚手  
擲足或發斑黃狂亂五六日不大便脈滑而實此實  
熱已傳於內乃可下之若脈弱無神又當詳辨  
少陽經病往來寒熱胸脇滿痛默默不欲食心煩喜  
嘔口苦目眩耳聾脈弦而數以少陽經脈循脇肋絡  
於耳故爲此證此三陽三陰之間也由此漸入三陰

故爲半表半裏之證。

傷寒邪在三陽但有一毫表證總以發汗解肌爲主。

太陰經病腹滿而吐食不下噤乾手足自溫或自利腹痛不渴脉沉而細以大陰經脉布胃中絡於臍故爲此證。

少陰經病欲吐不吐。

脉注胸邪上逆

心煩。

絡心故煩

但欲寐。

陰主靜

口燥舌乾自利而渴。

絡心故乾渴

或咽痛世利引衣蹠臥。

寒主收引故蹠臥。

其脉沉以少陰經脉貫腎絡於肺繫舌本

故爲此證。

厥陰經病煩滿囊縮。

脉循陰器

消渴。

子盛則母虛故腎水消而生渴

氣上

撞心。心中痛熱。

母盛則子實。故氣撞心而痛熱。

饑不欲食。食即吐。

木邪則土受傷。

下之利不止。脉沉而弦。以厥陰經脉循陰

絡於肝。故爲此證。

按傷寒自外之內脉證一定。而傳變無常。但不可

於日數泥於次序。內經次第言之者。以發明其理。

大抵太陽表證居多。然豈無初病徑犯陽明者。豈

發於太陽卽少陰受之者。豈無太陽熱鬱。以次而

三陰者。豈無太陽止傳陽明少陽而不傳三陰者。

以仲景有云。日數雖多有表證。卽宜汗。日數雖少。

裏證即宜下此二句語活而義廣治傷寒之良

### 溫病脈證辨

栗山曰此段乃溫病脈證根源也雖未明言溫病

傷寒論平脈篇曰寸口脈陰陽俱緊者法當清其

其詞意與傷寒絕不相干溫病論以溫病得於

於上焦濁邪中於下焦清邪中上名曰潔也濁

下名曰渾也陰中於邪必內慄也清邪曰濁邪非

風寒暑濕燥火六氣之邪也另為一種乃天地之雜

氣也種種惡穢上潤空明清淨之氣下敗水土汗濁

之氣人受之故上曰潔下曰渾中必內慄也

玩篇中此四十六字全非傷寒脈證所有事乃論

溫病所從入之門變證之總所謂赤文綠字開天

仍從傷寒論中看出病得於

管氣其傷寒外感風寒不同是

讀得問處

奇想天同妙有  
至理溫特之至  
廣從此復明  
世矣

三才圖會卷一

三

開地之寶符人未之識耳。大意謂人之鼻氣通於

經云。清。邪。中。上。焦。是。也。

天。如毒霧烟瘴。謂之清邪。是雜氣之浮而上者。從

鼻息而上入於陽。而陽分受傷。久則發熱頭腫。項

強頸攣。與俗稱大頭溫。蝦蟆溫之說符也。人之口

經云。濁。邪。中。下。焦。是。也。

氣通於地。如水土物產。化為濁邪。是雜氣之沉而

下者。從口舌而下入於陰。而陰分受傷。久則臍築

湫痛。嘔瀉腹鳴。足膝厥逆。便清下重。與俗稱絞腸

溫。軟腳溫之說符也。然從鼻從口所入之邪。必先

經云。陰。中。於。邪。是。也。

注中焦。分佈上下。故中焦受邪。則清濁相干。氣滯

血凝不流。其釀變卽現中焦與俗稱瓜瓠溫疔瘡。溫陽毒陰毒之說符也。此三焦定位之邪也。氣口脉盛屬內傷。洪長滑數陰陽搏激曰緊。若三焦邪瀦爲一。則怫鬱薰蒸。口爛蝕斷。衛氣通者遊行經絡藏府。則爲靡膿。榮氣通者噓出聲。嗝咽塞熱。癰不行。則下血如豚肝。如屋漏。然以榮衛漸通。猶非危候。若上焦之陽下焦之陰。兩不相交。則脾氣於中難運。斯五液注下。而生氣幾絕矣。續論所謂傷寒自氣分傳入血分。溫病由血分發出氣分。鍼灸

不移。傷寒得天地之常氣。先行身之背。次行身之  
前。次行身之側。自皮膚傳經絡。受病於氣分。故  
而卽動。認真脉證治法。急以發表爲第一。義入  
則不消矣。未有溫覆而當不消散者。何至傳入  
分。變證百出哉。河間以傷寒爲雜病。溫病爲大  
信然。蓋溫病得天地之雜氣。由口鼻入。直行中  
流。佈三焦。散慢不收。去而復合。受病於血分。故  
久而發。亦有因外感。或饑飽勞碌。或焦思氣機  
動而發者。一發則邪氣充斥。奔迫上行。極而

溫病以  
証為主

行極而上。卽脈閉體厥。從無陰證。皆毒火也。與傷寒外感與治傷寒溫散。何相干涉。奈何千年慣慣。混爲一病。試折衷於經論。寧不渙然冰釋哉。治法急以逐穢爲第一。義上焦如霧。升而逐之。兼以解毒。中焦如瀼。疏而逐之。兼以解毒。下焦如瀼。決而逐之。兼以解毒。惡穢旣通。乘勢追拔。勿使潛滋。所以溫病非瀉則清。非清則瀉。原無多方。時其輕重。緩急而救之。或該從證。或該從脈。切勿造次。

傷寒論曰。凡治溫病。可刺五十九穴。

此段明言溫病治法與傷寒不同



成註。以瀉諸經之溫熱。謂瀉諸陽之熱。逆瀉胸中之熱。瀉胃中之熱。瀉四肢之熱。瀉五藏之熱也。

按溫病脈經曰。寸口脈陰陽俱緊。與傷寒脈浮緊。

浮緩不同。溫病證經曰。中上焦中下焦陰中邪。升

數增損雙解與傷寒證。行身背。行身前行身側。不

同。溫病治法經曰。刺五十九穴。與傷寒治法溫覆。

發散不同。非以溫病。雖有表證。實無表邪。明示不。

可汗耶。獨是河間以傷寒爲雜病三百九十七法。

一百一十三方。至詳且悉。溫病爲大病。豈反無方。

論治法乎。噫。兵燹散亡。傳寫多訛。錯簡亦復不少。承訛襲謬。積習相沿。迄今千餘年矣。名手林立。方書充棟。未有不令發汗之說。余一人以管窺之見。而欲革故洗新。使之從風。亦知其難。然而孰得孰失。何去何從。必有能辯之者。

溫病與傷寒根源辨

西漢張仲景著卒病傷寒論十六卷。當世兆民賴以生全。至晉代不過兩朝相隔。其卒病論六卷已不可復覩。卽傷寒論十卷。想亦劫火之餘。僅得之讀者之

人皆知仲景之  
注自叔和而明  
不知亦自叔和  
而晦溫病之理  
始此矣後賢先  
傳後經附會陶  
駁為叔和功臣  
非仲景功臣也  
蓋欲邀仲景淵  
微必先破叔和  
蓋離經第五卷  
雖為全錄設不  
合為別一經  
此種混收鮮不

口授。其中不無殘闕。失矣。賴有三百九十七法。一百一十三方之名目。可為校正。而溫病失傳。王叔和搜討成書。附以己意。指為伏寒。插入異氣。似近理。而彌亂真。其序例有曰。冬時嚴寒。殺厲之氣。中而即病者。為傷寒。中而不即病。寒毒藏於肌膚。至春變為溫病。至夏變為暑病。成無已註云。先夏至為溫病。後夏至為暑病。溫暑之病。本於傷寒。而得之由斯。以談溫病。與傷寒。同一根源也。又何怪乎。後人治溫病。皆以傷寒方論治之也。殊不知溫病。另為一種。非寒毒藏至。

春夏變也。白叔和卽病不卽病之論定而後世各家  
方附會之不暇。誰敢辯之乎。余爲撮片雲之翳以著  
白晝之光。夫嚴寒中人頃刻卽變。輕則感冒。重則傷  
寒。非若春夏秋風暑濕燥所傷之可緩也。卽感冒一  
證之最輕者。尙爾頭痛身痛發熱惡寒四肢拘急鼻  
塞痰喘當卽爲病。不能容隱。今爲嚴寒殺厲所中。反  
能藏伏過時而變。誰其信之。更問何等中而卽病。何  
等中而不卽病。何等中而卽病者。頭痛如破身痛如  
杖惡寒項強發熱如炙或喘或嘔煩燥不寧甚則發

瘳六脉如弦。浮緊洪數。傳變不可勝言。失治乃至傷生。何等中而不卽病者。感則一毫不覺。旣而挨至春夏。當其已中之後。未發之前。神氣聲色不變。飲食起居如常。其已發之證。勢更烈於傷寒。况風寒侵人。未有不山肌表而入。所傷皆同榮衛。所中均係嚴寒。一者何其靈敏。感而遂通。一者何其癡呆。寂然不動。一本而枝殊。同源而流異。此必無之事。歷來各家。無不奉之爲祖。所謂千古疑城。莫此難破。然而孰得孰失。何去何從。芸夫牧豎。亦能辯之。再問何等寒毒藏於

此毒烈之氣留  
在何經而發何  
病却是正論却  
是翻自己的案  
可知中而不即  
斷案毒氣於以  
過之說於理大  
要其實之叔和  
何能反對

其之利害王安不進信周禮何如前人論獎其  
肌膚夫肌為肌表膚為皮之淺者其間一毫一竅無  
小道是乃仁術也所以辨之親切懇至乃深  
非榮衛經行所攝之地即偶爾脫衣換帽所冒些小  
風寒當時而嚏尚不能稽留何況嚴寒殺厲之氣且  
藏於皮膚最淺之處反能容忍至春更歷春至夏發  
耶此固不待辯而自譎矣乃又曰須知毒烈之氣留  
在何經而發何病前後不答非故自相矛盾其意實  
欲為異氣四變作開山祖師也後人孰知其為一場  
懵懂乎予豈好辯哉予不得已也凡治傷寒大法要  
在表裏分明未入於府者邪在表也可汗而已已入

於府者邪在裏也。可下而已。若夫溫病果係寒毒藏於肌膚。延至春夏猶發於表。用藥不離辛溫。邪氣還從汗解。令後世治溫病者仍執肌膚在表之寒毒。一投發散。非徒無益而又害之。且夫世之凶厲大病死生人在反掌間者。盡屬溫病。發於冬月正傷寒者千百一二。而方書混同立論。毫無分別。總由王叔和序傷寒論於散亡之餘。將溫病一門失於編入。指爲伏寒異氣。妄立溫瘧風溫溫毒溫疫四變。插入傷寒論中。混而爲一。其證治非徒大壞而將泯焉。後之學者。

南山可移此案  
 必不可動  
 溫疫論雜氣一  
 論開溫病無常  
 法門論血分  
 一語開溫病無  
 常方論  
 雖外人家見有  
 發熱頭痛諸症  
 者大家驚恐呼  
 為難疾此却適  
 中病根習而不  
 察者吾輩也

殆自是而無所尋逐也已余於此道中已三折其肱  
 矣兼以閱歷之久實見得根源所出傷寒得天地之  
 常氣風寒外感自氣分而傳入血分溫病得天地之  
 雜氣邪毒內入由血分而發出氣分一彼一此乃風  
 馬牛不相及也何以言之常氣者風寒暑濕燥火天  
 地四時錯行之六氣也雜氣者非風非寒非暑非濕  
 非燥非火天地間另為一種偶荒旱潦疵癘烟瘴之  
 毒氣也故常氣受病在表淺而易雜氣受病在裏深  
 而難就令如序例所云寒毒藏於肌膚至春夏變為

說○出○自○溫○疫○論○氣○分○血○分○之○說○出○自○續○論○書  
 ○古○特○識○本○此○以○溫○病○與○傷○寒○異○辯○溫○病○與○治  
 傷○寒○異○非○甘○謬○也



溫病暑病亦寒毒之自變爲溫自變爲暑耳還是冬來常氣亦猶冬傷於寒春必病溫之說於雜氣何與千古流弊祇緣人不知疵癘早潦之雜氣而爲溫病遂與傷寒視而爲一病不分兩治余故不辭謗詆條分縷晰將溫病與傷寒辯明各有病原各有脉息各有證候各有治法各有方論令醫家早爲突曲徙薪之計庶不至焦頭爛額耳

或問內經曰冬傷於寒春必病溫余曰冬傷於寒謂人當冬時受寒氣也春必病溫謂人到來春必病熱

也亦猶經曰人之傷於寒也則爲病熱云爾東垣云  
其所以不病於冬而病於春者以寒水居卯之分方  
得其權大寒之令復行於春開發腠理少陰不藏辛  
苦之人陽氣外泄誰爲鼓舞陰精內枯誰爲滋養生  
化之源已絕身之所存者熱也故內經又云冬不藏  
精春必病溫此水衰火旺來春其病未有不發熱者  
於溫病何與溫病者疵癘之雜氣非冬來之常氣也  
腎虛人易爲雜氣所侵則有之非謂傷於寒則爲溫  
病也經何以不曰溫病而必曰病溫蓋溫者熱之始

熱者溫之終也。豈諸家所謂溫病者乎。特辯以正前人註釋之謬。

溫病與傷寒治法辨

讀仲景書。一字一句都有精義。後人之千方萬論。再不能出其範圍。余又何辯乎。蓋仍本之仲景矣。傷寒論曰。凡傷寒之爲病。多從風寒得之。風屬陽。寒屬陰。然風送寒來。寒隨風入。本爲同氣。故寒之淺者。卽爲傷風。風之深者。卽爲傷寒。故曰傷寒從風寒得之。始因表。中風寒。入裏則不消矣。未有溫覆而當不消散者。成氏註。風寒初客於皮膚。便投湯藥。溫覆發散而當則。

似從傷寒論中  
看出溫病治法  
與傷寒不同是  
論中得聞處

瀉心者大黃黃  
連瀉心湯也

看仲景治溫  
病與傷寒原是  
兩門情經兵火  
之餘故下不傳  
耳此段結上生

無不消散之邪。此論傷寒治法也。其用藥自是麻漬  
桂枝大小青龍一派。傷寒論曰。凡治溫病。可刺五十  
九穴。成氏註。以瀉諸經之溫熱。謂瀉諸陽之熱。逆瀉  
胸中之熱。瀉胃中之熱。瀉四肢之熱。瀉五藏之熱也。  
此論溫病治法也。若用藥。當是白虎瀉心大柴胡三  
承氣一派。末又曰。此以前是傷寒溫病證候也。詳仲  
景兩條治法。於傷寒則用溫。覆消散於溫病。則用刺。  
穴瀉熱。溫病與傷寒異治。判若冰炭。如此信乎仲景  
治溫病。必別有方論。嗚呼。歷年久遠。兵燹散亡。王叔

所以然之故乃  
得於雜氣也白  
血分發用氣分  
也

和指爲伏寒。插入異氣。後之名公尊信附會。沿習耳  
聞。遂將溫病爲傷寒。混同論治。或以白虎承氣治傷  
寒。或以麻黃桂枝治溫病。或以爲麻黃桂枝。今時難  
用。或以爲溫病。春用麻黃桂枝。須加黃芩。夏用麻黃  
桂枝。須加石膏。或於溫病。知用白虎瀉心承氣。而不  
敢用麻黃桂枝。青龍者。但昧於所以然之故。溫病與  
傷寒異治。處總未洞晰。惟王氏洵淵著有傷寒立法  
考。溫病熱病說。其治法較若列眉。千年長夜。忽遇燈  
炬。何幸如之。惜其不知溫病中於雜氣。而於嚴寒中

劉二公分辯  
病與傷寒異  
是千古特識  
不知溫病爲  
雜氣也。因此爲  
發明以補王劉  
所未及。見得真  
實。得定老上。雖  
然。然。然。然。然。然。  
二公唯不知溫  
病爲雜氣。雖  
分三門其實不  
至。至。至。至。至。至。

而不卽病至春夏變爲溫暑之謬說。一樣糊塗以爲  
證。治與傷寒異。病原與傷寒同。而未免小視輕忽之  
也。劉氏直格以傷寒爲雜病。以溫病爲大病。特製雙  
解散。涼膈散。三黃石膏湯。爲治溫病主方。其見高出  
千古。深得長沙不傳之秘。惜其不知溫病中於雜氣  
而於傷寒末傳陰證。溫病從無陰證之治法。無所發  
明。庸工不能解其理。不善用其方。而猥以寒涼擯斥  
之也。諸家混淆不清。而二公亦千慮之失也。余於此  
道中。抱膝長吟。細玩傷寒論平脉篇曰。清邪中上焦。

伏邪暴發之  
所以三黃白  
湯之解散內  
以用麻黃披枝  
元氣潮湧而源  
公於此乃熟用  
金剛眼睛矣  
不平麻黃中兩  
大申明不厭重  
復正是發心細  
思處

寒溫條辨卷一

三

濁邪中下焦陰中於邪等語始翻然頓悟曰此非傷  
寒外感常氣所有事乃雜氣由口鼻入三焦怫鬱內  
熾溫病之所由來也因此以辯溫病與傷寒異辯治  
溫病與治傷寒異為大關鍵故多採王劉二公之論  
並續論緒論溫疫論尚論篇及諸前輩方論但有一  
條一段不悖於是者無不零星奏合以發揮仲景傷  
寒溫覆消散溫病刺穴瀉熱之意或去其所太過或  
補其所不及或衍其所未暢實多苦心云

行邪伏邪辨

凡邪所客有行邪有伏邪。故治法有難有易。取效有遲有速。有邪如冬月正傷寒。風寒爲病。自外之內有循經而傳者。有越經而傳者。有傳一二經而止者。有傳盡六經不罷者。有始終只在一經而不傳者。有從陽經傳陰經爲熱證者。亦有變爲寒證者。有直中陰經爲寒證者。正如行人經由某地。本無根帶。因其漂浮之勢。病形雖亂。若果在經。一汗而解。若果在胃。一下而愈。若果屬寒。一於溫補。若果傳變無常。隨經治之。有證可憑。藥到便能獲效。所謂得天地之常氣。感



此段使人無  
覺其強弱  
其清涼快  
人心明

寒外感自氣分傳入血分者是也。先伏而後行者溫  
病也。無形無聲者難言矣。毒霧之來也無端。烟瘴之  
出也無時。濕熱薰蒸之惡穢無窮。無賊兼以餓殍在  
野。齒櫛之掩埋不厚。甚有死尸連床。魄汗之淋漓自  
充。遂使一切不正之氣升降流行於上下之間。人在  
氣交中無可逃避。雖童男室女以無漏之體。富貴豐  
亨以幽閒之志。且不能不共相殘染而辛苦之人可  
知矣。而貧乏困頓之人又豈顧問哉。語云大兵之後  
必有大荒。大荒之後必有大疫。此天地之氣數也。誰

能外之。疵。癘。早。療。之。災。禽。獸。往。往。不。免。而。況。人。乎。所。謂。得。天。地。之。雜。氣。邪。熱。內。鬱。由。血。分。發。出。氣。分。者。是。也。當。其。初。病。之。時。不。唯。不。能。卽。療。其。病。而。病。勢。日。日。加。重。病。家。見。病。反。增。卽。欲。更。醫。醫。家。不。解。其。故。亦。自。驚。疑。竟。不。知。先。時。蘊。蓄。邪。微。則。病。微。邪。甚。則。病。甚。病。之。輕。重。非。關。於。醫。人。之。死。生。全。賴。藥。石。故。諺。有。之。曰。傷。寒。莫。治。頭。勞。病。莫。治。尾。若。果。是。傷。寒。初。受。肌。表。不。過。浮。邪。在。經。一。汗。可。解。何。難。之。有。不。知。蓋。指。溫。病。而。言。也。要。其。所。以。難。者。總。因。古。今。醫。家。積。習。相。沿。俱。以。

溫病爲傷寒俱以傷寒方治。溫病致令溫魂疫魄含  
冤地下。誠能分晰明白。看成兩樣。脈證兩樣。治法識  
得常氣雜氣表裏寒熱再詳。氣分血分內外輕重。自  
迎刃而解。何至殺人耶。雖曰溫病怪證奇出。如臙舉  
蠡湧。勢不可遏。其實不過專主上中下焦。毒火深重。  
非若傷寒外感。傳變無常。用藥且無多方。見效捷如  
影響。按法治之。自無殞命之理。至於死而復甦。病後  
調理。實實虛虛之間。用藥却宜斟酌。妙筭不能預定。  
凡此但可爲知者道也。若夫久病枯槁。酒色耗竭者。

老風燭已入四損不可正治之條又不可同年而語

證候辨

或曰子辨溫病與傷寒有雲壤之別今用白虎瀉心承氣抵當皆傷寒方也既同其方必同其證子何言之異也余曰傷寒初起必有感冒之因冬月烈風嚴寒雖屬天地之常氣但人或單衣風露或強力入水或臨風脫衣或當簷沐浴或道路衝寒自覺肌肉粟起既而四肢拘急頭痛發熱惡寒惡風脈緩有汗爲中風脈緊無汗爲傷寒或失治或誤治以致變證蜂

起溫病初起原無感冒之因。天地之雜氣無形無聲。氣交流行。由口鼻入。三焦人自不覺耳。不比風寒感。人一着卽病。及其鬱久而發也。忽覺凜凜。以後但熱而不惡寒。或因饑飽勞碌。焦思氣鬱。觸動其邪。是促其發也。不因所觸。內之鬱熱自發者。居多。傷寒之邪。自外傳內。溫病之邪。由內達外。傷寒多表證。初病發熱頭痛。未卽口燥咽乾。溫病皆裏證。一發卽口燥咽乾。未嘗不發熱頭痛。傷寒外邪。一汗而解。溫病伏邪。雖汗不解病。且加重。傷寒解以發汗。溫病解以戰汗。

傷寒汗解在前溫病汗解在後

鮮薄荷連根搗取自然汁服能散一切風

毒傷寒投劑可使立汗溫病下後裏清表透不汗自

愈終有得汗而解者傷寒感邪在經以經傳經溫病

伏邪在內內溢於經傷寒感發甚暴溫病多有淹纏

三五七日忽然加重亦有發之甚暴者傷寒不傳染

於人溫病多傳染於人傷寒多感太陽溫病多起陽

明傷寒以發表爲先溫病以清裏爲主各有證候種

種不同其所同者傷寒溫病皆致胃實故用白虎承

氣等方清熱導滯後一節治法亦無大異不得謂裏

論同而表證亦同耳

寒熱爲治病大綱領辯

客有過而問之者曰。聞子著寒溫條辯。將發明傷寒。平抑發明溫病也。特念無論傷寒溫病。末有不發於寒熱者。先賢之治法。有以爲熱者。有以爲寒者。有以爲寒熱之錯出者。此爲治病大綱領。蓋爲我條分而辯論焉。余曰。願受教。客曰。內經云。熱病者。傷寒之類也。人之傷於寒也。則爲病熱。未入於府者。可汗而已。已入於府者。可下而已。三陽三陰。五藏六府。皆受病。

道常盡後說盡  
古今病勢人情

榮衛不行藏府不通則死矣又曰其未滿三日者可  
汗而已其滿三日者可下而已內經直言傷寒爲勢  
而不言其有寒仲景傷寒論垂一百一十三方用桂  
附人參者八十有奇仲景治法與內經不同其故何  
也余曰上古之世恬淡渾穆精神內守卽有傷寒一  
清熱而痊可此內經道其常也世不古若人非昔比  
以病有淺深則治有輕重氣稟日趨於澆薄故有鬱  
熱而兼有虛寒此仲景盡其變也客又曰傷寒以發  
表爲第一義然麻黃桂枝大青龍每苦於熱而難用



薤白涼膈三黃  
石膏六一順氣  
大柴胡五方有  
治傷寒溫病之  
不同悉視藥方  
辨白知解毒承  
氣湯即大承氣  
湯各藥並用  
湯加白蘆蠶蚶  
殼去枳栝即瀉  
心承氣湯加枳  
實半夏即陷胸  
承氣湯

輕用則有狂燥斑黃衄血亡陽之失。致成熱毒壞病。故河間自製雙解散涼膈散三黃石膏湯若麻黃桂枝大青龍果不宜用。仲景何以列於一百一十三方之首乎。致使學者視仲景書欲伏焉而不敢決欲棄焉而莫之外。夫仲景爲醫家立法不祧之祖而其方雖用其故何也。余曰傷寒以病則寒以時則寒其用之固宜。若用於溫病誠不免狂燥斑黃衄血亡陽之失矣。辛溫發散之藥仲景蓋爲冬月觸冒風寒之常氣而發之。傷寒設不爲感受天地疵癘旱潦之雜氣。

溫病與治傷寒  
之異坦白明亮  
毫無蒙混而筆  
力足以達之

而發之溫病設仲景治溫病必別有方論今不見者  
其亡之也叔和搜採仲景舊論之散落者以成書功  
莫大矣但惜其以自已之說雜於仲景所言之中使  
玉石不分耳溫病與傷寒異治處惟劉河間王安道  
始倡其說兼余屢驗得凶厲大病死生在數日間者  
惟溫病爲然而發於冬月之正傷寒者百不一出此  
河間所製雙解涼膈三黃石膏清瀉內熱之所以可  
用而仲景麻黃桂枝大清龍正發汗者之所以不可  
用也蓋冬月觸冒風寒之常氣而病謂之傷寒四時

觸受疵癘之雜氣而病謂之溫病。由其根源之不一。故脈證不能相同。治法不可相混耳。客又曰。人有傷寒初病。直中三陰。其爲寒證無疑矣。又有初病三陽。本是熱證。傳至三陰。裏實可下。止該用承氣抵當。乃問有寒證可溫可補。又用理中四逆。其故何也。余曰。以初本是熱證。或久病枯竭。或暴感風寒。或飲食生冷。或過爲寒涼之藥。所攻伐遂變成陰證。所云害熱未已。寒證復起。始爲熱中。末傳寒中是也。且人之虛而未甚者。胃氣尙能與邪搏而爲實熱之證。若虛之

論寒中三陰  
是寒證若本  
熱證傳至三  
陰證變爲寒  
證劉亦未言  
及此已請之

使人浮越四字  
令人明瞭不盡

甚者亡陽於外亡陰於內上而津脫下而液脫不能  
勝其邪之傷因之下陷而裏寒之證作矣熱極生寒  
其證多危以氣血之虛脫也客又曰寒熱互乘虛實  
錯出既聞命矣子之治療果何以得其宜條辯之說  
可聞否乎余曰證治多端難以言喻傷寒自表傳裏  
裏證皆表證侵入於內也溫病由裏達表表證卽裏  
證浮越於外也大抵病在表證有可用麻黃桂枝葛  
根辛溫發汗者傷寒是也有可用神解清化升降芳  
香辛涼清熱者溫病是也在半表半裏證有可用小

補出寒證治法

又補出時氣病  
治法何等綴密

柴胡加減和解者傷寒是也。有可用增損大柴胡增損三黃石膏湯內外攻發者溫病是也。在裏證有可用涼膈承氣鹹寒攻伐者溫病與傷寒大畧同。有可用理陰補陰溫中補中調之養之者溫病與傷寒大畧同。但溫病無陰證宜溫補者卽所云四損不可正治也。若夫傷寒直中三陰之真寒證不過理中四逆附子白通一於溫補之而已。至於四時交錯六氣不節以致霍亂癘痢吐瀉咳嗽風溫暑溫濕溫秋溫冬溫等病感時行之氣而變者或熱或寒或寒熱錯出。

又當觀其何時何氣。叅酌傷寒溫病之法。以意消息。而治之。此方治之宜。大畧如此。而變證之異。則有言不能傳者。能知意在言表。則知所未言者矣。客又曰。子之治療。誠無可易矣。第前輩諸名家。皆以爲溫暑之病。本於傷寒而得之。而子獨辨溫病與傷寒根源異。治法異。行邪伏邪異。證候異。六經脈證異。並與時氣之病異。得勿嫌於違古乎。余曰。吾人立法立言。特患不合於理。無濟於世耳。果能有合於理。有濟於世。雖違之庸何傷。客唯唯而退。因櫟括其說曰。寒熱爲

新與舊寒異  
榮不厭重複言  
之正是漢心總  
以虛從此得解  
和者根本處

治病大綱領辯。尙祈臨病之工。務須辯明的確。或爲傷寒。或爲溫病。再諦審其或屬熱。或屬寒。或屬寒熱錯出。必洞悉於胸中。然後診脉定方。斷不可偏執已見。亦不可偏信一家之謬說。庶不至於差錯也。

### 發表爲第一關節辯

傷寒。冬月感冒風寒之常氣而發之病名也。溫病。四時觸受天地疵癘早潦之雜氣而發之病名也。根源岐出。枝分。派別。病態之異。判若霄壤。竊驗得箇厲大病。死生人在數日間者。盡屬溫病。而發於正傷寒者。

前一節治法大  
異此論發前人  
未發之奇

未嘗多見。蕭萬興軒岐救正曰：其值嚴冬得正傷寒者二十年來於千人中僅見兩人。故傷寒實非大病。而溫病方爲大病也。從來傷寒諸籍能辯溫病與傷寒之異治者止見劉河間王安道兩公。而病源之所。以異處亦未道出。汁漿余宗其說而闡發之。著爲寒溫條辨。若論裏證或清或攻。或消或補。後一節治法。溫病與傷寒雖曰不同。亦無大異。唯初病解表前一節治法大有天淵之別。蓋傷寒感冒風寒之常氣自外而傳於內。又在冬月非辛溫之藥。何以開腠理而



傷寒傳於常氣  
溫病得於雜氣  
本又可溫病論  
王劉亦未言及  
論溫病無外感  
而內之鬱熱自  
發以補王劉所  
未及

論溫病證行先  
見表而後見裏  
者以補王劉所  
未及

與溫病論 卷一

三

逐寒邪此麻黃桂枝大青龍之所以可用也若溫病  
得於天地之雜氣怫熱在裏由內而達於外故不惡  
寒而作渴此內之鬱熱爲重外感爲輕兼有無外感  
而內之鬱熱自發者又多發在春夏若用辛溫解表  
是爲抱薪投火輕者必重重者必死惟用辛涼苦寒  
如升降雙解之劑以開導其裏熱裏熱除而表證自  
解矣亦有先見表證而後見裏證者蓋怫熱自內達  
外熱鬱腠理之時若不用辛涼解散則熱邪不得外  
泄遂還裏而成可攻之證非如傷寒從表而傳裏也

獨寒汗流病  
不發汗者治  
法宜山常格異  
此即在此

病之輕者神解散清化湯之類病之重者芳香飲加  
味涼膈散之類如升降散增損雙解散尤爲對證之  
藥故傷寒不見裏證一發汗而外邪卽解溫病雖有  
表證一發汗而內邪愈熾此麻黃桂枝大青龍後人  
用以治傷寒未有不生者用以治溫病未有不死者  
此前一節治法所謂大有天淵之別也舉世不悟誤  
人甚衆故特表而出之以告天下之治溫病而等於  
傷寒者又溫病要得主腦辟如溫氣充心心經透出  
邪火橫行緣禍乘其瑕隙虧損之處現出無窮怪狀

此論發前人所未發  
醫家病家未發醫家病家  
為舊病所誤

令人無處下手。要其用藥。只在瀉心經之邪火為君。而餘邪自退。每見人有腎元素虛。或適逢淫慾。一值溫病暴發。邪陷下焦。氣道不施。以致便閉腹脹。至夜發熱。以導赤五苓。全然不效。一投升降雙解。而小便如注。又一隅之虧。邪乘宿損。如頭風痛。腰腿痛。心痛。腹痛。痰火喘嗽。吐血便血。崩帶淋瀝之類。皆可作如是觀。大抵邪行如水。唯注者受之一着。溫病舊病必發。治法當先主溫病。溫邪退而舊日之病不治自愈矣。不得主腦。徒治舊病。不唯無益。而壞病更烈於傷。

此篇論溫病傷寒治法各見精細而其文亦有筆有法古致錯者忽止忽起正如斷崖連峰出沒無常一盤無際焉執中丞後集

寒也。若四損之人。又非一隅之虧者。可比。傷寒要辨。疑似。有如狂而似發狂者。有畜血發黃而似濕熱發黃者。有短氣而似發喘者。有痞滿而似結胸者。有併病而似合病者。有少陰發熱而似太陽發熱者。有太陽病脈沉而似少陰者。太陽少陰俱是發熱脈沉細。但以頭痛為太陽。頭不痛為少陰。頭緒多端。務須辯明。如法治療。若得汗吐下合度。溫清攻適宜。可收十全之功。不至傳變而成壞病矣。傷寒論中。共計壞病八十有六。故傷寒本無多病。俱是辯證不明。錯誤所致。如太陽始病。當以汗解。如

治傷寒大法不  
過所云云者妙  
在要證的證經  
下的藥不然則  
紙上談兵矣

論內傷類傷  
寒求治法與傷  
寒自是不同

當汗不汗則鬱熱內迫而傳經。如發汗太過則經虛  
風襲而成痙。如不當汗而汗則迫血妄行而成衄大  
便不可輕動。動早為犯禁。當汗誤下則引邪入裏而  
為結胸痞氣。脇熱下利。當下誤汗則為亡陽。下厥上  
竭。譫語。小便不可輕利。輕利為犯禁。蓋自汗而渴為  
濕熱內盛。故宜利。如不當利而利必耗膀胱津液而  
成燥血發狂。如當利不利必就陽明燥火而成畜血  
發黃。若夫內傷類傷寒者。用藥一差。死生立判。蓋內  
傷頭痛時痛時止。外感頭痛日夜不休。內傷之虛火

上炎。時時開熱。但時發時止。而夜甚於晝。外感之發熱。非傳裏則晝夜無休息。凡若此等。俱要明辯於胸中。然後察色辯聲。詳證診脈。再定方製劑。庶不至誤傷人命耳。

### 溫病非時行之氣辯

春溫夏暑秋涼冬寒。此四時錯行之序。卽非其時有其氣。亦屬天地之常。而雜氣非其類也。雜氣者。非溫非暑非涼非寒。乃天地間另爲一種疵癘旱潦之毒氣。多起於兵荒之歲。樂歲亦有之。在方隅有盛衰在

傷寒溫病時氣  
方書皆混而一  
之得此辯別明  
曰自可免人錯  
誤此後人發前  
人未到之處者  
也

四季有多寡此溫病之所由來也叔和序例有云春  
氣乘虛入裏遂至合病而悟冬溫與風溫暑溫濕  
應溫而反大寒夏應暑而反大涼秋應涼而反大熱  
溫秋溫并癰痢咳嘔霍亂等證皆時行之氣病也  
冬應寒而反大溫非其時有其氣一歲之中長幼之  
病多相似者此則時行之氣也觀於此言嘔裏說得  
是時氣心裏却當作溫病由是而天下後世之言溫  
病者胥準諸此而溫病之實失焉矣而時氣病之實  
亦失焉矣總緣人不知疵癘早潦之雜氣而為溫病  
抑不知時行之氣宜熱而冷宜冷而熱雖損益於其  
間及其所感之病豈能外乎四時之本氣假令春分

可知傷寒亦時  
氣中之一耳與  
溫病原非一種

後天氣應煖。偶因風雨交集。不能溫煖。而反大寒。所  
感之病。輕爲感冒。重爲傷寒。但春寒之氣。終不若隆  
冬殺厲之氣。投劑不無輕重之分。此爲應至而不至。  
如秋分後。適多風雨。暴寒之氣。先至。所感之病。大約  
與春寒彷彿。深秋之寒。亦不若隆冬殺厲之氣。爲重。  
此爲未應至而至。卽冬月嚴寒倍常。是爲至而太過。  
所感乃真傷寒耳。設溫煖倍常。是爲至而不及。所感  
傷寒。多合病併病耳。卽冬溫也。假令夏月時多風雨。  
炎威少息。爲至而不及。時多亢旱。燄石流金。爲至而



太過不及亦病。太過亦病。一時霍亂吐瀉瘧痢咳嗽等項。不過因暑溫而已。又若春秋俱行夏令。天地暴烈。人感受之。內外大熱。舌胎口裂。腹脇脹滿。頭痛身痛。狀類傷寒。而實非傷寒。狀類溫病。而實非溫病。此卽諸家所謂風溫暑溫濕溫秋溫是也。按此四證乃發與溫病根源不同。而拂熱自內達外。與溫病證治相同。余每以溫病十五方。時其輕重而施之。屢效。蓋能滌天地疵癘之氣。卽能化四時不節之氣。古人云。方貴明其所以然者。卽此也。與冬溫差近。按冬溫卽傷寒。合病併病也。先解表而後攻。凡此裏以外。束風寒故也。與四證不同。須明辨之。四時不節之時。氣病卽風寒暑濕燥火之六氣病所。

將一切時氣病  
證得明白則毫  
無溫病毫無干  
涉今八日開心

感終不離其本源正叔和序例所云云者是也於雜氣所中之溫病終何與焉誤以溫病爲時氣病者又寧不渙然冰釋哉

按內經云冬傷於寒春必病溫謂春必病熱也非溫病也霜降後雨水前風送寒來寒隨風入傷寒卽冬之時氣也又云春傷於風夏生飧泄卽春之時氣也夏傷於暑秋必痎瘧卽夏之時氣也秋傷於濕濕土也冬生咳嗽卽秋之時氣也知此便知溫病非時氣時乃天地之雜氣病也後人多爲叔和所誤

何等平易何等切當豈無春夏秋冬受傷當時卽發者乎不可

執泥傷非藏於肌膚可知

認得定

父按喻氏謂仲景獨傷寒一門立法乃四序主病之大綱也。春夏秋三時雖不同。其外感則一。自可取傷寒之方錯綜用之。此亦臆斷。非確論也。所傷風暑濕燥殄泄瘧痢咳嗽亦能殺人。何必定以冬寒爲大綱。於三時不立法乎。至於色含萬有百病。千方不能出其範圍。自是別具隻眼。

又按春傷風夏傷暑秋傷濕冬傷寒。是人感節氣之變虛損家多爲所傷也。隨感隨病者固多。過時而病或亦有之。若中嚴寒殺厲之氣。卽至壯之人亦必病。

難言過時發矣。諸家註釋四傷皆推求太過。但只平易說去。則經旨自明。而無穿鑿之患。

溫病是雜氣非六氣辨

日月星辰。天之有象可觀。水火土石。地之有形可求。昆蟲草木。動植之物可見。寒暑風濕。四時之氣往來。可覺。至於山嵐瘴氣。嶺南毒霧。兵凶旱潦。薰蒸咸得。地之濁氣。猶或可察。而唯天地之雜氣。種種不一。亦猶天之有日月星辰。地之有水火土石。氣交之有寒暑風濕。動植之有昆蟲草木也。昆蟲有龍蛇猛獸。草

木有桂附芭豆。星辰有羅計熒惑土石有雄硫礪信。萬物各有善惡雜氣亦各有優劣也。第無聲無形不覩不聞其來也。無時其著也。無方感則一時不覺。久則蓄而能通。衆人有觸之者各隨其氣而爲諸病焉。或時衆人發願。或時衆人頭面浮腫。俗名大頭溫是也。或時衆人咽痛聲啞。或時衆人頸筋脹大。俗名蝦蟆溫是也。或時衆人吐瀉腹痛。或時衆人斑疹疔瘡。或時衆人嘔血暴下。俗名攪腸溫。瓜瓢溫是也。或時衆人癰瘰紅腫。俗名疙瘡溫是也。或時衆人痿痺足

情理宛然

溫病本雜氣在  
六氣外來無時  
着無方此論醫  
士未發之奇  
啟後人無窮之  
智醫者大宜  
留心

重俗名軟脚溫是也大抵病偏於一方延門合戶  
時適有某氣專入某藏府某經絡專發爲某病故及  
人之病相同不關人之強弱血氣之盛衰又不可以  
年歲四時爲拘是知氣之所來無時也或發於城市  
或發於村落他處安然無有是知氣之所着無方也  
雖有冬寡輕重不同其實無處不有如瓜瓠溫疣瘡  
溫緩者三二日死急者朝發夕死在諸溫中爲最重  
者幸而幾百年來罕有之病不可以常時並論也至  
於腫頭發顙喉痺咽腫項強反張流火丹毒目赤斑

雜氣爲病甚於  
六氣以補河間  
原病式所未及

疹腹痛嘔瀉頭痛身痛骨痠筋搐登高棄衣譫語狂  
叫不識人之類其時村市中偶有一二人患此考其  
證甚合某年某處衆人所患之病纖悉皆同治法無  
二此卽當年之雜氣但目今所鍾不厚所患者稀少  
耳此又不可以衆人無有斷爲非雜氣也况雜氣爲  
病最多然舉世皆誤認爲六氣假如誤認爲風者如  
大麻風鶴膝風歷節風老幼中風痛風厲風癰風之  
類概作風治未嘗一驗實非風也亦雜氣之一耳誤  
認爲火者如疔瘡發背癰疽毒氣流注目赤瘴翳以

及斑疹之類概作火治未嘗一驗實非火也亦雜氣之一耳誤認爲暑者如瘧痢吐瀉霍亂轉筋暴注腹痛以及昏迷悶亂之類概作暑治未嘗一驗實非暑也亦雜氣之一耳至誤認爲濕燥寒病可以類推又有一切無名暴病頃刻卽亡無因而生無識鄉愚認爲鬼祟並皆雜氣所成從古未聞者何也蓋因來而不知着而不覺人唯向風寒暑濕燥火所見之氣求之而不索之於無聲無形不覩不聞之中推察旣已錯認病源處方未免誤投藥餌大易所謂或繫之牛



行人之得。邑人之災也。劉河間作原病式。百病皆原於風寒暑濕燥火六氣。殊不知雜氣爲病。更有甚於六氣者。蓋六氣有限。現在可測。雜氣無窮。茫然不可測也。專務六氣。不言雜氣。烏能包括天下之病歟。此又可雜氣論也。余訂正之。更其名曰溫病。是雜氣非六氣辯。

雜氣所傷不同辯

夫所謂雜氣。雖曰天地之氣。實由方土之氣也。蓋其氣從地而起。有是氣。卽有是病。譬如天地生萬物。亦由方土之產也。但植物藉雨露而滋生。動物賴飲食。

氣爲害甚於  
六氣觀物益知  
人矣人特習而  
不察耳至其沉

而願養蓋先有是氣然後有是物推而廣之有無限  
之氣因有無限之物也但二五之精未免生尅制化  
是以萬物各有宜忌宜者益而忌者損損者制也故  
萬物各有所制如貓制鼠鼠制象之類既知以物制  
物卽知以氣制物矣以氣制物者如蠲得霧則死棗  
得霧則枯之類此有形之氣動植之物皆爲所制也  
至於無形之氣偏中於動物者如猪溫羊溫牛馬溫  
豈但人溫而已哉然猪病而羊不病牛病而馬不病  
人病而禽獸不病究其所傷不同因其氣各異也知

其氣各異故謂之雜氣。夫物者氣之化也。氣者物之變也。物卽是氣。氣卽是物。知氣可以制物。則知物之可以制氣矣。夫物之可以制氣者。藥物也。如蜈蚣解蜈蚣之毒。山甲補蟻瘻之潰。此受物氣之爲病。是以物之氣制物之氣。猶或可測。至於受無形之雜氣爲病。莫知何物之能制矣。惟其不知何物之能制。故勉用汗吐下和四法以決之耳。噫。果知以物制氣。一病止用一藥。又何煩用四法。君臣佐使。品味加減。分兩輕重之勞。並用方投證不投證。見效不見效。生死反

掌之苦哉

雜氣有盛衰辯

凶年溫病盛行所患者衆最能傳染人皆驚恐呼爲瘟疫蓋雜氣所鍾者盛也以故鷄溫死鷄豬溫死豬牛馬溫死牛馬推之於人何獨不然所以兵荒饑饉之歲民多夭札物皆疵癘大抵春夏之交爲甚蓋溫暑濕熱之氣交結互蒸人在其中無隙可避病者當之魄汗淋漓一人病氣足充一室况於連床並榻沿門問境共釀之氣益以出戶戶蟲載道腐墜燔柴掩

經云清邪中上  
濁邪中下  
即親上親下病  
從其類二語可  
徵矣所謂清者  
有得者見也豈  
獨寒邪成寒證  
所可同哉

升降微溫病主  
方也此六證可  
參用

席委壑投崖種種惡穢上瀉空明清淨之氣下敗水

土汗濁之氣人受之者親上親下病從其類如世所

稱大頭溫頭面腮頤腫如瓜瓢者是也加味涼解散所稱

蝦蟆溫喉痺失音頸筋脹大者是也增損雙解散所稱瓜

瓢溫胸高脇起嘔汁如血者是也加味涼解散所稱疔瘡

溫遍身紅腫發塊如瘤者是也增損雙解散所稱絞

腸溫腹鳴乾嘔水泄不通者是也增損雙解散所稱軟腳

溫便清瀉白足重難移者是也增損雙解散其邪熱

伏鬱三焦由血分發出氣分雖有表證實無表邪與

正傷寒外感之表證全無干涉人自不察耳必分溫病與瘟疫爲兩病。真屬不通。蓋豐年閭里所患者不過幾人。且不傳染。並不知爲溫病。以致往往誤事。蓋雜氣所鍾者微也。余自辛未歷驗今三十餘年。傷寒僅四人。溫病不勝屈指。樂歲之脉證與亢荒盛行之年線悉無異。至用藥取效毫無差別。輕則清之。重則瀉之。各行所利。未有不中病者。若認爲傷寒時氣。誤投發散爲禍不淺。誤投溫補更成痼疾。所以陳良佐曰。凡發表溫中之藥一概禁用。此尤不可不辯也。

溫病瘟疫之訛辨

傷寒論曰凡治溫病可刺五十九穴。只言溫病未有所謂瘟疫也。後人省加疒爲瘟。卽溫字也。省不加疒爲疫。卽役字也。又如病證之證。後人省登加正爲証。後又省言如疒爲症。卽證字也。古文並無瘟字。疫字。証字。症字。皆後人之變易耳。不可因變易其文。遂以溫病瘟疫爲兩病。序例以冬之伏寒。至春變爲溫病。至夏變爲暑病。又以冬時有非節之暖。名爲瘟疫。春分後。秋分前天有暴寒者。名爲寒疫。病熱云云。其

以取中寒暴  
之論定而後  
以家術治重  
前氏謂一言

引家言相府入  
火炕其是之謂  
歌

後活人書以冬傷於寒因暑而發爲熱病若三月至  
夏爲晚發傷寒又以非其時有其氣責邪在四時專  
令之藏名爲春溫夏溫秋溫冬溫雲岐子以傷寒汗  
下過經不愈如見太陽證頭痛發熱惡寒名爲太陽  
溫病見陽明證目痛鼻乾不眠名爲陽明溫病見少  
陽證胸脇痛寒熱嘔而口苦名爲少陽溫病見三陰  
證名爲三陰溫病云云又以發斑名爲溫毒汪氏以  
春之溫病有三種有冬傷於寒至春變爲溫病者有  
溫病未已再遇溫氣而爲瘟疫者有重感溫氣相雜



凡的遠近  
的例

而爲溫毒者。又以不因冬傷於寒。不因夏遇溫氣。只於春時感春溫之氣而病。可名春溫云云。諸如此類。叙溫者。絡繹不絕。議溫者。紛紜各異。其憑空附會。重出疊見。不唯膠柱鼓瑟。且又罪及無辜。果爾則當異證異脈。不然何以知受病之原不一也。設使脈證大相懸殊。又當另立方論治法。然則脈證何異。方論治法又何立。設所謂枝節愈繁。而意愈亂。學者不免有多岐之惑矣。夫溫者熱之始。熱者溫之終。故夏日熱病而春日溫病也。因其惡厲。故名爲疫癘。終有得汗。

句凡三見非  
正也正是大  
通呼吸醒世  
處

而解者。故又名爲汗病。俗名爲瘟疫者。蓋疫者役也。如徭役之役。以其延門合戶。衆人均等之謂也。非兩病也。此外又有風溫、暑溫、濕溫、秋溫、冬溫之名。明明皆四序不節。所謂非其時有其氣。乃風火暑濕燥寒之邪。天地之常氣爲病也。於溫病何相干涉。總緣人不知天地間另爲一種疵癘。早潦之雜氣而爲溫病。俗名雜疾是也。諸家愈說愈鑿。無所不至矣。噫。毫厘千里之謬。一唱百和之失。千古同悲。余故不辭固陋。詳爲論辯。以就正於知物君子。溫疫論曰。溫病本於

雜氣四時皆有。春夏較多。常年不斷。不比凶年之盛。且甚耳。序例活人汪氏。悉屬支離。正如頭上安頭。伏寒異氣。原非溫病根源。雲岐子則又指鹿爲馬。並不知傷寒溫病原是兩途。未有始傷寒而終溫病者。若是溫病。自內達外。何有傳經。若果傳經。自是傷寒由外之內。而非溫病也。○又曰。溫病初起。雜氣熱鬱腠理。亦發熱惡寒。狀類傷寒。後但熱而不惡寒也。其脈不浮不沉。中按洪長滑數。甚則沉伏。晝夜發熱。日晡益甚。雖有發熱惡寒。頭痛身痛等證。而怫熱在裏。浮

越於外不可認爲傷寒表證輒用麻黃葛根之類強發其汗其邪原不在經汗之反增狂燥熱亦不減此溫病之所以異於傷寒也

按又可溫疫論以溫病本於雜氣徹底澄清看得與傷寒判若雲泥諸名公學不逮此真足啟後人無窮智慧獨惜泥於邪在膜原半表半裏而創爲表證九傳之說前後不答自相矛盾未免白圭之玷然不得因此而遂棄之也余多擇而從之

四損不可正治辯

凡人大勞人慾及大病久病。或老人枯槁。氣血兩虛。陰陽並竭。名曰四損。真氣不足者。氣不足以息。言不足。以聽。或欲言而不能。感邪雖重。反無脹滿痞塞之證。真血不足者。通身痿黃。兩唇刮白。素或吐血。衄血。便血。或崩漏。產後失血過多。感邪雖重。面目反沒赤色。真陽不足者。或厥逆。或下利。肢體畏寒。口鼻氣冷。感邪雖重。反無燥渴譫妄之狀。真陰不足者。肌膚甲錯。五液乾枯。感邪雖重。應汗不汗。應厥不厥。辨之不明。傷寒誤汗。溫病誤下。以致津液愈爲枯涸。邪氣滯

瀉不能轉輸也。凡遇此等不可以常法正治。當從其損而調之。調之不愈者。稍以常法正治之。正治不愈者。損之至也。一損二損。尚可救援。三損四損。神工亦無施矣。

按病有純虛純實。非清則補。有何乘除。設有既虛且實者。清補間用。當詳孰先孰後。從少從多。可緩可急。纔見醫家本領。余丙子在毫。生員張琴斯正。年過六旬。素多鬱結。有吐血證。歲三五犯。不以爲事也。四月間忽而發熱。頭痛身痛。不惡寒而作瀉。乃溫病也。至

第二日吐血倍常更覺眩暈大熱神昏手足戰掉咽  
喉不利飲食不進病家醫家但見吐血便以發熱眩  
暈神昏爲陰虛頭痛身痛戰掉爲血虛非大補不可  
誤不察未吐血前已有發熱作渴頭痛身痛之證也  
余曰舊病因溫病發血脫爲虛邪熱爲實是虛中有  
實證也不可純補余用炙甘草湯去桂枝加歸芍熟  
地黃五味犀丹蘊蠶蟬蛻二服血已不吐諸證減去  
七分舉家歸功於參均欲速進余禁之竟不能止又  
進一服遂覺煩熱頓作胸腹否悶徧體不舒終夜不

瘵時作譎語。余曰：諸證皆減，初補之功也。此乃本氣空虛，以實填虛，不與邪搏，所餘三分之熱，乃實邪也。再補則以實填實，邪氣轉熾，故變證蜂起。遂與升降散作丸服，微利之而愈。後因勞復，以參、柴、三、白湯治之而愈。後又食復，以梔子、厚樸湯加神麴六錢而愈。引而伸之，觸類而長之，可以應無窮之變矣。

### 六經證治變

凡傷寒足太陽膀胱經，從頭頂貫腰脊，故頭痛項強，發熱惡寒。然風寒常相因，寒則傷榮，頭痛惡寒，脈浮。



緊無汗麻黃湯主之。開發腠理以散寒。得汗而愈。風  
則傷衛。頭痛惡風。脉浮緩有汗。桂枝湯主之。充塞腠  
理以散風。汗止而愈。若風寒並受。榮衛俱傷。大青龍  
湯主之。此三方者。冬月天寒。腠密。非辛溫不能發散。  
故宜用也。若夫春夏之溫病。其雜氣從口鼻而入。伏  
鬱中焦。流佈上下一發則炎熱熾盛。表裏枯涸。其陰  
氣不榮。斷不能汗。亦不可汗。宜以辛涼苦寒清瀉爲  
妙。輕則清之。神解。清化芳香之類。重則下之。增損雙  
解。加味涼膈升降之類。消息治之。傷寒汗後熱不退。

此陰陽交而魂魄離也。證亦危矣。其勢稍緩者。宜更汗之。若反劇煩燥者。必有夾食夾痰。或兼有宿病。當尋其源而治之。若發熱煩燥。小便不利。爲熱入膀胱之本。五苓散主之。溫病清後。熱不退。脉洪滑數。或沉伏。表裏皆實。譫妄狂越。此熱在三焦也。加味六一順氣湯解毒承氣湯大下之。傷寒傳至陽明。則身熱目痛鼻乾不得臥。葛根湯表裏俱盛。口渴引飲。脉洪大。白虎湯。此在經之熱也。傳至少陽。爲半表半裏之經。往來寒熱。脇滿口苦而嘔。默默不欲食。小柴胡湯加減和之。

過此不解。則入陽明之府。表證悉罷。名爲傳裏。潮熱  
譫語。唇焦舌燥。大便秘。脉沉實長洪。如痞滿燥實四  
證皆具。大承氣湯主之。但見滿燥實三症。邪在中焦。  
調胃承氣湯。不用枳實。恐傷上焦之氣。但見痞滿二  
證。邪在上焦。不用芒硝。恐傷下焦之血也。小腹急大  
便黑。小便自利。喜忘如狂。畜血也。桃仁承氣湯代抵  
當湯。丸濕熱發黃。但頭汗出。茵陳蒿湯傷寒下後熱  
不退。胸中堅滿不消。脉尚數實者。此爲下未盡。或下  
後一二日復發熱喘滿者。並可用大柴胡湯。或六一

順氣湯復下之。若下後仍不解，宜詳虛實論治。如脉虛人弱，發熱口乾舌燥，不可更下。小柴胡湯、參胡三白湯和之。溫病下後，厥不回，熱仍盛而不退者，危證也。如脉虛人弱，不可更下。黃連解毒湯、玉女煎清之，不能不下。黃龍湯主之。若停積已盡，邪熱愈盛，脉微氣微，法無可生。至此下之死，不下亦死。用大復甦飲、清補兼施，宜散蓄熱，脉氣漸復，或有得生者。醫貫以六味地黃丸、料大劑煎飲，以滋真陰，此亦有理。若傷寒腹滿而噤乾，則知病在太陰也。口燥咽乾而渴，則

六一首六一  
氣也加續茶  
神機也即加  
時六一順氣湯

知病在少陰也。煩滿囊縮而厥，則知病在厥陰也。邪到三陰，脈多見沉。倘沉而有力，此從三陽傳於三陰，熱證也。外雖有厥逆，自利欲寢，舌捲囊縮等證，正所云陽極發厥。止該清之下之，自是桂枝加大黃承氣六一一派。若本是陽證，因汗下太過，陽氣已脫，遂轉為陰證。夫邪在三陽，其虛未甚，胃氣尚能與邪搏而為實熱之證。邪到三陰，久而生變，其虛之甚也。氣血津液俱亡，不能勝其邪之傷，因之下陷而裏寒之證作矣。此熱變為寒之至理。脈必沉而無力，證見四肢

陽寒溫病治法  
各別醫者不亂  
定見精察然運  
用之妙存乎一  
心耳

厥逆。心悸。惕。腹。痛。吐。利。畏。寒。戰。慄。引。衣。蜷。臥。急。宜  
溫之。補之。陽虛者。附子。四逆。陰虛者。理陰。補陰。傷寒  
多有此證。治溫病。無陰證。熱變為寒。百不一出。此辯  
溫病與傷寒。六經證。治異。治之要訣也。蓋傷寒之邪。  
風寒外感。始中太陽者。十八九。溫病之邪。直行中道。  
初起陽明者。十八九。信乎治療之宜早。而發表清裏  
之宜諦。當也。倘審之不諦。而誤治之。即成壞病矣。

### 壞病辯

壞病者。非本來壞病。醫壞之也。謂傷寒不當汗而汗。

不當下而下。或汗下太早。或汗下太遲。或汗下無力。不及於病。或汗下過度。虛其正氣。如誤汗。則有亡陽。衄血。斑黃。譫語。驚惕。眩冒。誤下。則有煩燥。嘔瀉。結胸。痞氣。下厥。上竭。等證。是也。傷寒論曰。太陽病。已發汗。若吐。若下。若溫鍼。仍不解者。此爲壞病。桂枝不中與也。觀其脉證。知犯何逆。隨證治之。又曰。若已發汗。吐下溫鍼。譫語。柴胡證罷。此爲壞病。觀其脉證。知犯何逆。以法治之。前一段。桂枝不中與。謂表證已罷。邪已傳變。後一段。柴胡證罷。謂半表半裏之證已罷。邪入

更深仲景隨證治之一語語活而義廣以視王韓諸公專主溫補者爲盡善也若溫病一壞勢雖烈於傷寒果隨證治之亦有得生者但不可鹵莽滅裂耳又溫病拂熱內鬱斷無傳經之理傷寒則以七日爲一候其有二候三候不解者病邪多在三陽經留戀仲景傷寒論原本內經熱論一篇並無過經再經明文唯有七日太陽病衰頭痛少愈八日陽明病衰身熱少歇九日少陽病衰耳聾微聞十日太陰病衰腹減如故十一日少陰病衰渴止舌潤而噎十二日厥陰



病衰。裏縱少腹微下。大氣皆去。病人之精神頓爽矣。  
玩本文六衰字語意最妙。蓋謂初感之邪至七日及  
十餘日。尙未盡衰。則可。或汗吐下錯誤。以致邪氣愈  
熾。則可。自當依壞病例治之。豈有厥陰交盡於裏。再  
出而傳太陽之事哉。試質之高明。

兩感辯

表裏俱病。陰陽並傳。謂之兩感。乃邪熱亢極之證。冬  
月正傷寒病。兩感者亦少。一部傷寒論。僅見麻黃附  
子細辛湯一證。有太陽之發熱。故用麻黃。有少陰之

明寒兩感  
溫病兩感

脉沉故用附子細辛發表溫裏並用此長沙正傷寒  
太陽少陰之兩感治法也

內經曰一日頭痛發熱惡寒口乾而渴太陽與少陰

俱即此而推陽明與太陰兩感自當以陽明太陰二  
經之藥合而治之

內經曰二日身熱目痛鼻乾不食陽明與太陰俱病

陽與厥陰兩感自當以少陽厥陰二經之藥合而治

之

內經曰三日耳聾脇痛寒熱而嘔煩滿病有外內  
變縮而厥水漿不入少陽與厥陰俱病

藥有標本斟酌合法未必如內經所云必死也惟溫

藥山曰余讀景岳書得錢氏論而悟傷寒溫病兩

病兩感最多蓋傷寒兩感外感之兩感也溫病兩感  
內傷之兩感也傷寒得於常氣受病在經絡如前註

感二感於外一傷於內確切不易也

內傷此論精切  
用書發從來所  
不有

四解論

內經所云云者是也。溫病得於雜氣受病在藏府。錢氏曰邪氣先潰於藏，繼傷於府，縱情肆欲，即少陰與太陰兩感，勞倦竭力，飲食不調，即太陰與陽明兩感。七情不慎，疲筋敗血，即厥陰與少陽兩感。按錢氏雖病實溫病確論也。從此分辯溫病與傷寒異處，自了然矣。此所以內之鬱熱為重，外感為輕，甚有無外感而內之鬱熱自發者。不知凡幾。河間特制雙解散，三黃石膏湯，為兩解溫病表裏熱毒之神方。即以補長沙九治溫病，可刺五十九穴之瀉法也。續論謂河間以傷寒為雜病，溫病為大病。

掃除一切  
切害

其見高出千古。深得長沙不傳之秘。知言哉。余觀張  
劉二公用方。正以辨溫病與傷寒。兩感異治之要訣  
也。祖長沙。繼河間。以著書立說者。何啻汗牛充棟。未  
見有方論及此者。間或有之。亦掛一漏百。有頭無尾。  
余糾合前賢。廣採衆論。於散遺零星中。奏集而暢發  
之。而分晰之。務使溫病脈證。不致混入傷寒。病中溫  
病治法。不致混入傷寒。方中。後有識者。或不以余言  
爲謬。云乾隆乙亥丙子丁丑戊寅。吾邑連歲饑饉。雜  
盛徧野。溫病甚行。余推廣河間用雙解三黃之意。因

定升降散神解散清化湯芳香飲大小復甦飲大小  
清涼散加味涼膈散加味六一順氣湯增損大柴胡  
湯增損普濟消毒飲解毒承氣湯並雙解三黃亦爲  
增損共合十五方地龍湯亦要藥也出入損益隨手  
輒應四年中全活甚衆有合河間心法讀續論不禁  
擊節稱賞不置也

地龍湯即蚯蚓搗爛入新汲水攪  
淨浮油飲清汁治溫病大熱諸證

### 傷寒合病併病辨

凡傷寒合病兩經三經齊病病之不傳者也併病者  
先見一經病二三日又加一經病前證不罷兩經俱

病也。若先見一經病，更變他證者，又爲傳經矣。夫三陽合病，必互相下利。如太陽與少陽合病，脈浮而弦，自下利者，葛根湯。喘而胸滿者，不可下。麻黃湯。若心下滿，腹痛，宜下之，調胃承氣湯。陽明與少陽合病，脈弦而長，必下利，其脈不負者，順也。小柴胡湯。加葛根、白芍。若脈不長而獨弦，利不止，不食者，名曰負。負者，失也。土敗木賊，則死也。若脈兼滑而數者，有宿食也，宜大承氣湯。急從下奪，乃爲解圍之善着。若脈不滑數而

遲弱方慮土敗垂亡。尙敢下之乎。宜小柴胡湯。合痛  
爲要方。或可救之。太陽與陽明併病。太陽未罷。面色  
緣緣正赤。或煩燥者。桂枝麻黃各半湯。若太陽已罷。  
潮熱大便實。手足濇濇汗出。此內實也。調胃承氣湯。  
若脉弦而長。口苦胸滿。壯熱者。小柴胡湯加葛根。白  
芍。若脉弦洪大。熱盛舌燥。口渴飲水者。小柴胡湯合  
白虎。若太陽與少陽併病。頭項強痛眩冒。如結胸狀。  
心下痞硬。當刺大椎第一間。肺膈肝膈。刺大椎瀉手  
足三陽經也。  
刺肺膈。使肺氣下行。而勝魄之氣。  
化出也。刺肝膈。所以瀉胆邪也。不善刺者。宜小柴

胡湯加枳實、黃連、枳實、桔梗，或柴苓湯，慎不可下。若下之，便成結胸痞氣，下利不止等證。凡三陽合病，身重、腹滿、難以轉側、口不仁、面垢、譫語、遺尿、自汗者，白虎湯若一發汗，則津液內傷，譫語益甚。若一下之，則陽邪內陷，手足厥冷，熱不得越，故額上汗出也。惟有白虎湯主解熱而不礙表裏，在所宜用耳。大抵治法，某經同病，必以某經之藥合而治之。如人參敗毒散、沖和湯，乃三陽經藥；麻黃湯、桂枝湯、大青龍湯，乃太陽經藥；葛根湯、白虎湯，乃陽明經藥；小柴胡湯，乃少



陽經藥。凡太陽經未罷。當先解表。若表已解而內不

慳。大滿大實。方可用承氣等湯攻之也。

按今傷寒多合病併病。未

見單經。疾久相傳者。未見去證悉罷。止存重證者。況多溫病。烏能依經如式。而方治相符乎。

緒論曰。傷寒合病。多由冬月過溫。少陰不藏。溫病乘

虛入裏。然後更感寒邪。閉鬱於外。寒熱錯雜。遂至合

病。其邪內攻。必自下利。不下利。即上嘔。邪氣之充斥

奔迫。從可識矣。必先解表。後清裏。其傷寒合病。仲景

曰。有桂枝加葛根湯。葛根加半夏湯。葛根湯。麻黃湯。

等治法。觀仲景治例。可見矣。余謂冬月溫氣乘虛入。

論問  
附推例  
係令長  
氣亦無

裏雖曰非其時有其氣到底是天地常氣所以傷寒  
合病名曰冬溫卽此而推所謂風溫暑溫濕溫秋溫  
亦皆時氣也與溫病雜氣所得根源不同

按傷寒感冒風寒常氣自表傳裏故多循序而傳而  
合病併病爲極少溫病因雜氣怫熱自裏達表或饑  
飽勞碌或憂思氣鬱觸動其邪故暴發競起而合病  
併病爲極多甚有全無所觸止是內鬱之熱久則自  
然蒸動緒論之邪氣充斥奔迫六字可爲傷寒合病  
併病傳神並可爲溫病傳神故溫病但見太陽少陽

證卽可用增損大柴胡湯。但見三陽證。卽可用加味  
涼膈散。俟寒見。太陽少陽合病。必俟邪熱漸次入裏。  
方可用黃芩湯。見三陽合病。必有身重腹滿譫語。自  
汗。方可用白虎湯。又何論大柴胡涼膈散乎。太陽陽  
明併病在傷寒。自是麻黃葛根之類。蓋傷寒但有表  
證。非汗不解也。在溫病。自是神解升降增損雙解之  
類。不可發汗。裏氣清而表氣自透。汗自解矣。太陽少  
陽併病在傷寒。小柴胡湯加減治之。在溫病。增損大  
柴胡湯。此辯溫病與傷寒合病併病異治之要訣也。

溫病大頭六證辨

大頭者。天行疰癘之雜氣。人感受之。壅遏上焦。直犯清道。發之爲大頭溫也。世皆謂風寒閉塞而成。是不知病之來歷者也。若頭竄腦後項下。及耳後赤腫者。此邪毒內蘊。發越於太陽也。鼻頰兩目並額上面部。愀赤而腫者。此邪毒內蘊。發越於陽明也。耳上下前後並頭角赤腫者。此邪毒內蘊。發越於少陽也。其與喉痺項腫。頸筋脹大。俗名蝦蟆溫。正經論所云。清邪中上焦是也。如絞腸溫。吐瀉淋痛。軟脚溫。骨痠足重。

引證確切。鐵案不移。長沙亦應。

三青其後  
名家林立方書  
左棟未見有發  
明溫病至此者  
妙在仍從傷寒  
論中看出

見於試效例

正經論所云濁邪中下焦是也。如瓜瓤溫。胸高嘔血。  
疔瘡溫。紅腫發塊。正經論所云陰中於邪是也。古方  
用白殭蠶二兩全蠍兩。一廣姜黃三錢。川大黃生四兩。  
為末以冷黃酒一盅。蜜五調服三錢。六證並主之能  
吐能下。或下後汗出有升清降濁之義。因名升降散。  
較普濟消毒飲為尤勝。外用馬齒莧入麥麴並醋。少許搗敷腫硬處甚妙。夫  
此六證乃溫病中之最重且凶者。正傷寒無此證候。  
故特揭出言之。其餘大概相若。七十餘條俱從傷寒  
內辯而治之。正以明溫病之所以異於傷寒也。正以

明傷寒方之不可以治溫病也。知此則不至誤傷人命耳。

喻氏曰。叔和每序傷寒必插入異氣欲鳴已得也。及序異氣則借意難經自作聰明。漫擬四溫疑鬼疑神。駸成妖妄。世醫每奉叔和序例如箴銘一字不敢辨別。故有晉以後之談溫者皆僞學也。栗山獨取經論平脉篇一段定爲溫病所從出之原條。分縷析別。顯明微辯。得與傷寒各爲一家。毫無蒙混不爲叔和惑。扇直可追宗長沙矣。

長齋先生識